



INATSISARTUT

## Aningaasaqarnermut Nunanilu Avannarlerni Suleqatigiinnermut Naalackersuisoq

Ulloq: 27. februar 2020  
J.nr.: 01.31.06/20-00867

### Aningaasaqarnermut Akileraartarnermullu Ataatsimiititaliap marlunngornermi ulloq 25. februar 2020-mi aalajangiineranik Naalackersuisunut ilisimatitsineq.

#### Immikkut aningaasaliissutit – konto pingaarnermut 72.20.05 Ilaasunik angallassinermut tapiissutininut oqaasertaliussap nr. 1-ip allangortinneqarnissaa – isumaqatiginninniarnissamat piginnaatitsissutissap suliarineqarneranut tapertatut – Suliaq nr. 01.31.06/20 – 00867

Naalackersuisut inassuteqaatigaat:

- Konto pingaarnermut 72.20.05 Ilaasunik angallassinermut tapiissutininut oqaasertaliussap nr. 1-ip allangortinneqarnissaanik siunnersuut akuersissutigineqassasoq, takuuk ilangussaq 1.
- Inassuteqaat manna ilaasunik angallassinermi kiffartuussinermut isumaqatigiissutisat pissusiviusut tunngavigalugit isumaqatiginninniutigineqarnissaannut piginnaatitsissutip, 20. december 2019-mi nassiunneqartup suliarineqarneranut peqatigitillugu suliarineqassasoq.”

Suliaq manna Ilaasunik angallassineq pillugu kiffartuussinissamik isumaqatigiissut pillugu, angusaqarnissaq pillugu isumaqatiginninniarnissami piginnaatitsissut – Suliaq nr. 01.31.06/20 – 00865 pillugu Naalackersuisut qinnuteqaataannut atalluinnarpoq. Suliamik matuminnga akuersissutiginninneq isumaqatigiinniarnissamat piginnaatitsissut pillugu qinnuteqaammik qulaani taaneqartumik suliarinninnerup nanginneqarnissaanik tunngavissisaaq. Taassuminnga suliarinninnerminut atatillugu ataatsimiititaliap Naalackersuisunut siunnersuutigaa, oqaasertaliussap atuuttup allangortinneqarnissaanik qinnuteqaammik piaarnerpaamik nassiusseqqullugit.

Naalackersuisut siumungaaq naatsorsuisinnaassuseqarlutik nammineerlutik kingusinnerpaamik isumaqatigiinniarnissamat piginnaatitsissut pillugu suliamik nassiussinerminnut peqatigitillugu ilassutitut aningaasaliissutissanut qinnuteqaammik matuminnga nassiussisimanissaat ataatsimiititaliamit kissaatiginartinneqarsimagaluarpoq. Naalackersuisut december qiteqqunneranili suliaq taanna pillugu ilisimasaqareersimasariaqarnerat ataatsimiititaliamit oqaatigineqassaaq, tassa aningaasanut inatsisip akuersissutigineqarneranit qaammatip ataasiinnaap qaangiunnerani.

Ataatsimiititaliap maluginiarpaa kiffartuussinissamat isumaqatigiinniarnierit inernerisa ataatsimiititaliamut akuersissutigisassanngorlugit nassiunneqarnerannut peqatigitillugu oqaasertaliussap maanna akuersissutigineqartup allangortinneqarnissaanik qinnuteqaammik nassiusseqqinnissaq Naalackersuisunit isumaliutigineqartoq. Suleriaatsimut taamaattumut tunngaviusup erseqqissumik itisilivigineqarnissaa ataatsimiititaliamit kissaatigineqarpoq, taamatullu isumaqatigiinniarnierit nassataannik allannguutit annertuut suut Naalackersuisunit naatsorsuutigineqarnerisut nassuiaatigineqarnissaat. Kiisalu isumaqatigiinniarnissamat pigin-

naatitsissutip akuersissutigineqarnissaa kissaatigineqartup, tunniunneqarnermini ilusilerneqarnissaanik kissaatigineqartutut ilusilerlugu ataatsimiititaliamut nassiunneqarnissaa ataatsimiititaliamit kissaatigineqarpoq.

Ilaasunik angallassineq pillugu kiffartuussinissamik isumaqatigiissut pillugu, angusaqarnissaq pillugu isumaqatiginninniarnissami piginnaatitsinissaq pillugu inassuteqaammik, ulloq 20. december 2019-imi nassiunneqarsimasumik ataatsimiititaliamillu mailikkut ulloq 2. januar 2020-mi tiguneqartumik, suliarinninnermut peqatigitillugu suliap matuma suliarineqarnissaa Naalakkersuisunit kissaatigineqarsimavoq. Taamaattorli taamaallaat inassuteqaatip oqaasertaliussamut tunngasup suliarinissaa ataatsimiititaliamit toqqarneqarpoq, isumaqatigiinniarnissamullu piginnaatitsissut pillugu suliap nanginnissaa, tamanna pillugu pilersaarutaasumik siunersiuereernermit kinguartillugu. Sisamangornermi ulloq 27. februar siunersiuisoqassaaq.

Taamaammatt Naalakkersuisunit inassuteqaat una kisiat ataatsimiititaliamit suliarineqarpoq: Naalakkersuisut **inassuteqaatigaat**:

- Konto pingaarnermut 72.20.05 Ilaasunik angallassinermut tapiissutinut oqaasertaliussap nr. 1-ip allanngortinneqarnissaanik siunnersuut akuersissutigineqassasoq, takuuk ilanngussaq 1.

### **Aningaasaqarnermut Akileraartarnermullu Ataatsimiititaliap aalajangiinera**

Aningaasaqarnermut Akileraartarnermullu Ataatsimiititaliami **amerlanerussuteqartut** siuliani allassimasutut oqaaseqaateqarlutik apeqquteqarlutillu Naalakkersuisunit inassuteqaat siuliani taaneqartoq kingulleq **akuersissutigaat**.

Inussiarnersumik



Hermann Berthelsen

Aningaasaqarnermut Akileraartarnermullu Ataatsimiititaliap Siulittaasua